

Pag-ila Sa Imong Mga Hunahuna Pinaagi Sa Pulong Sa Dios

“Kay ang pulong sa Dios buhi ug nagalihok nga gamhanan, labi pang mahait kay sa espada nga duhay sulab, ug modulot ngadto sa gitagboan sa kalag ug espiritu, sa mga lutahan ug sa mga kauyokan, ug motugkad sa mga hunahuna ug katuyoan sa kasingkasing. vUg sa panan-aw sa Dios walay binuhat nga natago, hinonoo ang tanang butang binuksan ug dayag sa mga mata niya kang kinsa magahatag ra unya kitag husay.”

Mga Hebreohanon 4:12-13

“Brother Branham, palihug isaysay unsaon sa pagkahibalo sa usa ka tawo kung siya naghunahuna sa iyang kaugalingong mga hunahuna, kung ang yawa nagabutang ug mga hunahuna sa iyang salabutan aron sa paghimo kaniya nga maghunahuna ug dautan, ilabina, kung ikaw nahibalo nga dili ka buot maghunahuna kanila.”

Tungod niana, **kung sukwahi kini sa Pulong, mao kini ang panghunahuna sa yawa. Kung kini subay sa Pulong, mao kana ang panghunahuna sa Dios. kung kini dautan nga mga panghunahuna, iya kini sa yawa. Kung kini maayong mga panghunahuna sa Pulong ug sa Dios, mao kana ang panghunahuna sa Dios.**

Ang Profeta sa atong adlaw gipangutana ug dugang: *“Kung ang kahimtang tingali nga ang yawa magbutang ug mga hunahuna sa imong salabutan mahitungod sa usa ka butang, unsaon kini sa pagdaug kon sa pagsalikway?”*

Balihon nimo kini. Kung ang yawa naghimo kanimo nga maghunahuna nga ikaw... Kung ikaw nahibalo nga ikaw Cristohanon, ug siya nagtinguha kanimo nga maghunahuna nga ikaw dili Cristohanon, baliha lamang kini, **moingon, “Ako Cristohanon.” Samtang ang imong kasinatian motakdo sa gisulti sa Pulong sa Dios, “Ako Cristohanon.”** Sa bisan unsang butang pa, sa mao ra nga paagi. ^[1]

Si Cristo mao ang Hari sa mga hari ug Ginoo sa mga ginoo, ang dinihugan nga Mesias. Ang magtotoo nagkakupot niana nga Pulong. Ang Dios ug ang Iyang Pulong Usa ra. Ako ug ang akong pulong usa ra. **Ikaw ug ang imong pulong usa ra.** Ayawg pagsalig, paggamit sa imong mga hunahuna; gamita ang Iyang hunahuna, unya ikaw bahin sa Dios **tungod kay ang Iyang Pulong ug ikaw nahimong mao ra.** Nakita ninyo? Unya ikaw anaa sa Gingharian. ^[2]

Tungod niana kita ang Pulong nga napadayag. Mao kana ang buot sa Dios sa ang Iyang iglesia: sa pagpadayag sa Iyang kaugalingon. Unsaon Niya sa pagpadayag sa Iyang kaugalingon gawas ang Iyang Kaugalingong Binhi anaa diha nianang tawo? **Unsaon nimo sa paggamit sa imong mga hunahuna ug ang Dios magpadayag sa Iyang kaugalingon pinaagi kanimo?** ^[3]

Apan mao sa tukma gayud nga gikinahanglan sa Dios: isalikway ang tanan ug magsunod Kaniya. Mao kana ang gikinahanglan sa Dios. Kinahanglan atong buhaton usab kini. Usahay kinahanglan atong isalikway ang atong mga hunahuna. **Kung ang atong mga hunahuna sa bisan unsang butang sukwahi ngadto sa Pulong sa Dios, kinahanglan atong isalikway ang atong kaugalingong hunahuna ug mosunod Kaniya. Ug ang paagi lamang nga kita makasunod Kaniya mao ang pagsunod sa Iyang Pulong, tumanon Kini.** Ug ang gipangayo sa

Dios, ug gikinahanglan sa Dios mao ang pagsalikway sa tanan ug mosunod Kaniya (*Lucas 9:23*).

Karon, kung kanang mao ra nga Dios nga nagsulat sa Biblia anaa diha kanimo, **dili ka na sa imong kaugalingon** (*Gal. 2:19-20*). Ikaw patay ngadto sa mga butang sa kalibutan. Ikaw patay ngadto sa imong kaugalingong mga hunahuna. Ug ang hunahuna nga anaa kang Cristo maanaa diha kanimo, tungod niana ikaw nagsalikway sa tanan aron sa pagsunod Kaniya. Dili sa imong kaugalingong mga hunahuna; kung unsa ang Iyang gisulti, “Dili ang akong kabubut-on; ang Imo, Ginoo.” (*Mateo. 26:36-42*). **Unya ikaw magsugod sa paglinya sa Pulong sa Dios.** ^[4]

Kinahanglan ikaw mamatay. Kinahanglan ikaw mamatay sa dili ka pa matawo pag-usab. Bisan unsang binhi kinahanglan mamatay sa dili pa kini adunay bag-ong kinabuhi pag-usab. Gawas kung kini mamatay, magpabilin kini nga mag-inusara (*Juan 12:24*). **Ang tawo kinahanglan mamatay ngadto sa iyang kaugalingong hunahuna.** Kinahanglan siya mamatay sa bisan unsang hunahuna gawas sa Pulong sa Dios, ug moanha sa Iyang dalan. Mao kana ang baruganan sa Dios. **Dili kita makigtabo Kaniya pinaagi sa atong mga hunahuna.** Kita makigtagbo Kaniya sa unsay Iyang isulti nga buhaton. Mao kana ang gikatagana nga paagi sa Dios alang kanato. Ang katawhan molikay niini; wala sila magkinahanglan niini. Apan kini tinuod sa mao sa gihapon. Makapalugwa kini ug kamatayon, ug kinahanglan ikaw mamatay, mamatay sa imong hunahuna.

“Buyno, ako nahibalo nga ang Biblia misulti niini, apan dili ako makasabut niini.” **Nan pagpabilin dinha hangtud ang Dios magpadayag niini.** Tinuod kana. Mao kana ang bag-ong pagkatawo. ^[6]

Karon, kung atong itugyan sa hingpit ang atong kaugalingon ngadto sa Dios ug ngadto sa Iyang kabubut-on ug mawala sa atong kaugalingong mga hunahuna, ug tugotan lamang ang **hunahuna ni Cristo** maanaa kanato (*Fil. 2:5*), sila nga mao ra nga buhat sa Espiritu magapamuhat pinaagi kanato maingon gayud sa gibuhay sa natural nga mga butang, sa mao gayud nga butang. **Tungod kay kita ang nahaunang gibuhay alang nianang katuyoan sa pagkontrol, sa pagdumala, ug sa paghimaya sa Dios ug magkinabuhi alang sa Dios.**

Karon, si Jesus miingon, “*Kung kamo pabilin Kanako ug ang Akong mga Pulong pabilin kaninyo, pangayo kamo ug igahatag kini kaninyo. Kung kamo pabilin Kanako ug ang Akong Pulong pabilin kaninyo...*” (*Juan 15:1-7*).

Karon, ang Amahan ug ang Iyang Pulong dili magkabulag, **tungod kay ang Iyang Pulong mao ang Iyang Anak.** “*Sa sinugdan mao na ang Pulong, ug ang Pulong uban sa Dios, ug ang Pulong Dios. Ug ang Pulong nahimong unod ug mipuyo ipon kanato*” (*Juan 1:1+14*). Ang Dios ug ang Iyang Pulong dili magkabulag. **Dili nimo mabatonan ang Dios nga dili mabatonan ang Iyang Pulong, ug sa dihang imong mabatonan ang Pulong, imong mabatonan ang Dios.**” ^[8]

Husto. Busa ang mga magtotoo sa Pulong ug ang Espiritu kinahanglan Usa. Nakuha ninyo kini? **Mga magtotoo, ang Pulong, ug ang Espiritu sa hingpit Usa.** Dili ka makabuhay pinaagi sa imong kaugalingong hunahuna; dili ka mogamit sa imong kaugalingong salabutan. Dili ba kana kahibulongan? Ang hunahuna nga anaa kang Cristo anaa kanimo (*Fil. 2:5*). Nakita ninyo? Ang hunahuna ni Cristo diha kanimo magadawat sa Pulong sama sa Iyang gibuhay, tungod kay Siya mao ang Pulong. Ug ang hunahuna ni Cristo diha kanimo, **ikaw mao ang Pulong. Ikaw mao ang buhing Pulong sa Dios, nagrepresenta Kaniya dinhi sa yuta** (*II Cor. 5:20*), nagapadayon sa pabuhay. Ang iglesia kinahanglan maingon niana nga paagi.

Ug sa dihang maingon sa ingon niana, ang Biblia napadayag pag-usab sama sa nahaunang mga adlaw sa mga tinun-an, sama gayud sa mga tinun-an. **Ang Biblia nagkinabuhi pag-usab diha kanimo.** ^[3]

Karon, nahibalo kamo, malipayon kaayo ako nga nahibalo nga adunay gikatagana nga paagi. Nakita ninyo, adunay duha lamang ka mga paagi sa bisan unsang butang: **mao kana ang husto nga paagi ug ang sayup nga paagi. Ug mao kana ang imong paagi ug ang paagi sa Dios.** Dili ka maanaa sa imong kaugalingong

paagi ug maanaa sa paagi sa Dios; dili ka mahimong anaa sa paagi sa Dios ug maanaa sa imong kaugalingong paagi. Nakita ninyo? Busa kinahanglan maanaa sa usa kondili sa laing usa. Kinahanglan sa imong paagi o kondili sa paagi sa Dios. **Imong mga hunahuna kondili sa Pulong sa Dios.** Nakita ninyo? Kinahanglan ikaw modawat sa usa. Dili ka makadawat sa imong kaugalingong hunahuna. Tungod niana ang tawo natawo nga may kapakyasan, ug siya sa kanunay napakyas. Tungod niana nganong mosalig sa imong kaugalingong pagsabut? Nganong dili dawaton ang paagi sa Dios niini, tungod kay Siya sa kanunay magadala kanimo sa husto. ^[9]

Tungod kay hinumdomi. **Dili ka makabaton sa hunahuna ni Cristo ug sa hunahuna sa kalibutan sa samang higayon.** Dili ka mahimong maanaa sa imong paagi ug sa paagi sa Dios sa samang higayon. Kinahanglan nga mogula ka sa imong kaugalingong paagi ug tugotan ang Dios sa Iyang paagi. **Mao lamang kana ang paagi nga ikaw makabuhat gayud ug bisan unsang butang.** Kinahanglan ikaw makapahilayo gikan sa imong kaugalingong mga hunahuna, imong kaugalingong mga pangatarungan (*Prov. 3:5-6*). Ayawg pagtinguha sa pagpangatarungan; motoo lamang (*II Cor. 10:3-6*).

Unsa kaha kung si Maria nagtinguha sa pagpangatarungan mahitungod sa ulayng pagkahimugso. Unsa kaha kung siya nagtinguha sa pag-ingon, “Karon, kadiyot lang. Karon, tan-awa, wala ako nakaila ug lalake. Wala gayuy bisan usa nga sama niana. Unsaon nako sa pagbaton ug anak? Oh, dili ka makasulti kanako niana.” Siya wala gayud nagpaabut sa bisan unsang butang. **Siya midawat lamang sa Dios sa Iyang Pulong ug nagsugod sa pagpasalamat sa Dios alang sa bata.** Sa wala pa niya nabati ang bisan unsang kinabuhi, sa wala pa niya nabati ang bisan unsang butang, sa wala pa ang usa ka ilhanan gihatag ngadto kaniya, **Siya midawat lamang sa Pulong sa Manulonda** ug miadto nagsadya ug nagdayeg sa Dios, nagsulti sa tanang tawo nga siya makabaton ug bata, bisag wala makaila ug lalake. Dios hatagi kamig dugang mga Maria palibot sa Phoenix dinhi, **nga makadawat sa Dios sa Iyang Pulong ug magsugod sa pagsadya sa dili ang bisan unsang butang mahitabo. Mao kana ang Imong gikinahanglan. Mao kanang tanan.** Tungod kay siya gilandongan sa Espiritu Santo (*Lucas 1:25-56*). **Ug sa dihang ang Espiritu Santo sa tinuoray magalandong sa usa ka tawo, sila modawat sa Iyang Pulong. Mao kana ang nagpahiluna niini, kung unsa ang gisulti sa Espiritu Santo.** ^[10]

Karon, sa dihang kanang Kahayag miigo kang Rebeka, **siya nahibalo nga adunay usa ka butang sa sulod kaniya,** nga nagdala kaniya ngadto kang Isaac. Iyang gitabilan ang iyang kaugalingon. Siya dili na buot magabuhat uban sa iyang kaugalingong hunahuna. **Si Isaac mao na ang iyang hunahuna gikan niadto** (*Gen. 24*). Ug ang iglesia sa iyang kaugalingon, sa dihang kini moigo nianang gahum sa Dios, ang bautismo sa Espiritu Santo, pagula gikan sa mga denominasyonal nga mga simbahan, pagula gikan sa iglesia Catolica, bisan unsa man kini, **sa dihang kanang bautismo sa Espiritu Santo nahimong tinuod ngadto sa katawhan,** sila nga gipili nang daan ngadto sa Kinabuhing Dayon, nakakita Niini ug nagalakaw diha niini. Unsa kini? Usa ka labaw nga ilhanan. ^[11]

Tungod niana ikaw wala na nagagamit sa imong kaugalingong mga hunahuna; ikaw nagagamit sa Iyang mga hunahuna. **“Batoni ang hunahuna ni Cristo diha kaninyo”** (*Fil. 2:5*). Nakita ninyo? **Hunahunaa ang Iyang paagi sa paghunahuna; isulti kung unsa ang Iyang isulti. “Pagsugid” nagkahulogan nga “mosulti sa mao ra nga butang.”** Ang pagsugid mao ang pagsugid sa mao ra nga butang, isulti ang mao ra nga butang. Tungod niana ayawg pagsugid sa imong kaugalingong kaisipang panghunahuna. **Magpakatawo pag-usab ug isugid ang Iyang Pulong, isugid kung unsa ang Iyang isulti.** Mao kana ang pagsugid. Isulti, **“Pinaagi sa Iyang mga labod, ako naayo”** (*Isaias 53:5*). Pinaagi sa Iyang mga labod, ako adunay katungod—pinaagi sa Iyang mga samad, karon dayon, ako may katungod alang sa kaluwasan. Ako may katungod sa Espiritu Santo. Siya nagsaad niini alang kanako. Miingon, **“Kini anaa sa sulod kaninyo ug sa inyong mga anak, ug kanila nga atua sa halayo, ug sa matag usa nga pagatawgon sa Ginoo nga atong Dios”** (*Mga Buhat 2:38-39*). ^[12]

Reperensya:

- [1] “Mga Pangutana Ug Mga Tubag” (64-0830E, P-Nu 387+388, COD-Basahon pahina 1158-1159
- [2] “Ang Pagkagun-ob Sa Kalibutan” (62-1216), par. 118
- [3] “Ang Gilitok Nga Pulong Mao Ang Orihinal Nga Binhi” (62-0318), par. 28+42
- [4] “Pagsalikway sa tanan” (62-0123), par. E32, E37
- [5] “Ang Gikatagana Nga Paagi Sa Dios Niining Adlaw” (64-0206E), par. 32
- [6] “Nahibalo Ako” (60-0417S), par. 61
- [7] “Ang Sukaranong Patukoranan Sa Pagtoo” (55-0113). Par. E14
- [8] “Kang Kinsa Ang Bukton Ni Jehova Napadayag?” (50-0824), par. E42
- [9] “Ang Dios Adunay Gikatagana Nga Paagi” (62-0728), par. E11
- [10] “Mga Saksi” (54-0303), par. E27-E28
- [11] “Ang Labaw Nga Ilhanan” (62-0708), par. 140
- [12] “Cristo” (55-0221), par. E49

Spiritual Building-Stone No. 9 from the Revealed Word of this hour, compiled by:
Gerd Rodewald, Friedenstr. 69, D-75328 Schömburg, Germany
www.biblebelievers.de, Fax: (+49) 72 35 33 06

There's coming one with a Message that's straight on the Bible, and quick work will circle the earth. The seeds will go in newspapers, reading material, until every predestinated Seed of God has heard It. [Bro. Branham in „Conduct-Order-Doctrine“, page 724]